

20.10.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 498643/09

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 41125 գործը,

ՊԱՐԶԵՑԻ

Ֆիզիկական անձ Էդվարդ Զավախյանը (անձնագիր՝ BA3508702, Արմավիրի մարզ, ք. Էջմիածին, Մովսես Խորենացու 26, բն. 15) 21.07.2022թ.-ին ներմուծման հարկային հայտարարագիրը «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածով սահմանված ժամկետում չի ներկայացրել հարկային մարմին, որի համար նախատեսված է վարչական պատասխանատվություն համաձայն Վարչական իրավախախտումների վերաբերյալ ՀՀ օրենսգրքի 169¹ հոդված 2-րդ մասի:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է բանավոր առարկություն առ այն, որ իր կողմից 21.07.2022թ. ներմուծվել է անձնական օգտագործման իրեր, հետևաբար չի կրում ներմուծման հարկային հայտարարագիր ներկայացնելու պարտականություն:

Գործի քննության ընթացքում կատարված ուսումնասիրությունների արդյունքում պարզ է դարձել, որ Էդվարդ Զավախյանը 21.07.2022թ. կատարված ներմուծման հարկային հայտարարագիր ներկայացնելու պարտականություն չի կրում, միաժամանակ Էդվարդ Զավախյանի կողմից 2022թ. հուլիս ամսին այլ ներմուծման գործարքներ չի իրականացվել:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Էդվարդ Զավախյանի վերաբերյալ հարուցված թիվ 41125 վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

